



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一三九

經義齋集十八卷 熊賜履撰

一

澡修堂集十六卷 熊賜履撰

二九一

些餘集八卷 熊賜履撰

三九九

欣然堂集十卷 陶孚尹撰

四七五

序

間嘗讀易至乾之九三竊歎千古
相業斷自憂勤惕厲始矣三以陽
爻居陽位任大責重恒極天下之
至危非進德修業不足以勝之而
三之變復爲離離文明象也修辭
於文明固宜而孔子繫其辭則曰
立誠何哉三代以上德業出于一
故行成而言以居之辭卽忠信達
于外者所謂誠也三代而下德與
業判爲二矣或內體醇備則詘於
著述之才或高文典冊則短於表

率之力伊周不作鼎軸弗光識者
有慨於衷非一日也孝昌先生以
侍從清班逮事

世祖章皇帝今

上踐阼由 講幄晉登政府天下想
望風采以爲伊周無以過而先生

益銳志圖史講求軍國利弊敷陳
獻納大宅厥辭其頒爲 令甲者
屢書莫罄賢士大夫類能誦習而
傳道之至其立言本末則世之知
者或寡矣何則先生被遇 兩朝
孤忠自效方其爰立卽疆場未靖

也水火之形構於內而鋒鏑之變
交於外加以事例煩興民苦驛騷
憂勤惕厲具在此時先生排衆議
以爲說彌縫匡掇力竭志殫雖以
其身犯同事之忌而天下信之及
其退杜門却掃光明洞達之識虛

經義齋集

劉序

三

公無我之度瞭然益白于天下舉
從前持異議者亦莫不相悅以解
此無他惟其誠而已矣夫誠固可
以通神明貫金石而修辭則尤其
著者也先生以六經爲高曾以四
子爲宗主旁稽於濂洛關閩之遺

緒逆遡乎唐虞夏商之心法兼綜
條貫勒爲十有八卷雖其間體製
繁簡小大不同而其必出于誠則
一也戊辰秋 國家以

祈廟大典特起先生於容臺將復柄
用之會先生以憂去職又一年而

經義齋集

劉序

四

是集乃成屬^然以校讐之役而授
之梓其顏以經義彰

君賜也噫先生所以紹往聖開來學
至矣夫道之爲天下裂也譁僿者
馳騖于冥搜博覽之途而昧其本
原樸陋者束縛于章句訓詁之末

而罔知通變二氏之頗繆百家之
殺亂紛然錯出又皆足以爲吾名
教之大蠹其不至漸盡滅沒而遂
已者恃先生一誠有以破其妄而
樹之以軌範也先生在翰苑時嘗
爲萬言書陳

經義齋集

劉序

五

黼座其立朝設施次第大較不出于
此書至如往還酬贈吟風弄月之
章率爾有作亦莫不將以敬慎而
澤於大雅何也蓋先生至誠流通
無間于顯微無分於鉅細所謂乾
乾因時而惕惟先生允蹈之也昔

韓忠獻著安陽集純古典穆高出
于宋未嘗以文章自予歐陽文忠
于潭州得舊本韓文讀之遂囂囂
以學古自矜許夫兩公之見微異
而相業高下辨焉讀先生集請試
以斯語叅之

經義齋集

劉序

六

昔

康熙歲次庚午八月旣望西澗受
業劉然頓首具藁



經義齋集題辭



經義齋者

御書手定齋額也齋不以他額書而

以經義書經義於他人之齋不書

而於孝昌熊氏之齋則書何哉帝

王之學授之自天其端本澄源不

經義齋集

錢序

一

襲經之糟粕而動可合經不用人
之文詞而事可合人此董江都所
謂正誼明道司馬溫公所謂清心
寡欲朱晦翁所謂正心誠意其說
專主於君者也若夫涵養陶成實
心啓沃卽經以證人卽人以闡經

此真西山所謂人君之學必知其
要程伊川所謂成就君德責在經
筵其說又專主乎臣以導君者也
至治之世

聖主操經世之法以制作于上純儒

守傳心之要以緯繹于下本諸道

經義齋集

錢序

二

德發爲文章施于禮樂政教以爲
經國之良模故曰觀乎人文以化
成天下此孝昌先生之文所以傳
也先生嘗作閑道錄矣其閑道也
以明道也嘗作學統矣其辨學也
以正學也又嘗作詩古文詞而達

于上則爲奏疏爲講義傳于下則爲序記爲題跋爲傳爲志銘爲論學書爲尺牘爲小東爲擬古詞諸詩而無一不準之于經此經義齋集之名所由定與夫爲文不本於六經非其至也文之體大約有二

經義齋集

錢序

三

一曰載道之文根乎理義一曰記事之文飾乎詞章理義者羣聖之淵源萬事之權衡而必以六經爲之本詞章之工者代有其人而亦惟有當乎六經者爲體裁之純正是故古人有言詔誥策檄生于書

序述論議生于易歌咏賦頌生于詩祭祀哀誄生于禮書奏箴銘生于春秋此可見文章之道固無不出於經也今先生之文既有其本而又充之以學問則識力正大造詣純粹源深而流永凡夫心性之

經義齋集

錢序

四

精微天人之感應窮神知化之理制治保邦之畧莫不備具於以上敘天衷下輯民彝敷暢仁義宣昭事業高卑巨細惟所欲言置身六經之中高眎諸子百家之上豈非文之至者乎如是而謂之曰經義

齋集吾知其不誣也廼先生之文
其必取義于經者何經也者萬世
不易之常經也一厄於秦火而經
之全書不可得再厄於傳疏之紛
紜而經之精意愈以失故曰秦人
焚書而經存書可焚經不可焚也

經義齋集

錢序

五

漢人窮經而經絕經雖絕經之義
猶未絕也自陸子靜以六經爲我
註脚而經義一亡自陳公甫以六
經爲在虛無裏而經義再亡自王
伯安以六經爲名狀數目而經義
三亡先生於是不得已而有言矣

其言曰朱子之時儒亦多數呂東
萊史也而麓陳同甫才也而霸陳
君舉葉正則禪也而陋之數子者
辭而闕之猶易爲力惟陸氏引釋
亂儒借儒文釋其筆鋒舌鏑尤足
以駕僞滅真故其勢不得不與之

經義齋集

錢序

六

辨又曰江門一唱固已續象山之
燈啓姚江之鑰矣洛閩正脈至是
爲一變而邪氣乘之弁髦禮法芻
狗經典墮入其中者如捕風捉影
茫蕩而無所歸噫聽先生之言有
不知先生之文者乎先生之文其

必取義於經也明矣如是而謂之
曰經義齋集不亦宜乎嗚呼世風
不古甚矣匪空虛是好卽靡曼相
成朝廟典章擗撫凌厲而習尚支
流遂至薄經術而摹聲韻輕道義
而重詞翰先生廼獨能博學嗜古
考經而爲之文而不敢有失乎義
之所在以上副

經義齋集

錢序

七

朝廷經義命名之旨則是集之有功
於天下後世不小矣肅潤不敏敬
承先生之命爰作題辭以識於簡
端云

皆

康熙歲次庚午重陽日錫山晚學

錢肅潤拜手謹題



經義齋集

錢序

木

疎

已已春仲孝感師相熊老夫子方
居憂白下恭遇

聖駕南巡旣遣官存問復以

御書經義齋三字錫之夫子拜謝成
禮取以名其全集蓋紀

經義齋集

高啟

一

帝訓非特彰榮遇也集成辱寄示小
子莒生且命贅一言於末簡小子
何知驚悚久許旣三辭不獲廼拜
手陳几而莊讀焉見夫諸體悉備
也諸美畢臻也富哉集乎要而言
之不越論治論學兩端而已論學

經義齋集

高啟

二

則有醇無疵闢邪衛正足以守先
待後無疑論治則先本後末黜霸
崇王不獨爲一時興禮樂直欲爲
萬世開太平非得力於六經而實
見諸行事者其能勉措一詞乎莒
因思經義齋之名自宋儒安定胡
先生始然當時興太學但聞下取
湖學教法不聞有睿筆標表之且
舊制所謂經義者祇對治事偏言
之爾要之安定之經義原包括學
治初未嘗岐事理分德功而二之
也嘗聞福唐劉彝奉召對上問胡

瑗文章與王安石何如彝對以聖
人之道有體有用有文臣師明體
用之學以授諸生不啻詞賦故今
時學者皆能知政教之本書敢謂
斯言也惟安定先生昔以之造士
遂開洛學惟我孝感夫子今以之

致

經義齋集

高啟

三

君用贊皇極然則經義齋集之取名
豈泛然也哉菖至庸陋垂老無聞
藉先學憲衡文楚時有濂院世講
一派得遊門墻與窺富美不揣其
愚泚筆及此冀博君子不屑之誨

焉

康熙庚午中秋後六日錫山受業

高菖生謹跋



經義齋集

高啟

四

讀經義齋集書後

孝昌先生著書數十百種閑道錄學統創記既版行於世海內學者比於六經語孟並垂天壤至是同人復序次其經義齋集以授梓氏蓋先生平日之文具在而有韻之

經義齋集

洪敏

一

言亦附焉先生講學明道於家藏書數十萬卷無不徧爲繙閱含咀英華吐棄糟魄雖諸子百氏以及老佛三藏之紀載亦皆洞析其間奧故發爲文章廣大精微無美不備此在學者或能知之矣而至先

生之所以爲文則恐未必能盡知之也先生之文非秦漢唐宋韓柳歐曾之文而孝昌先生之文也先生之文易之所謂修辭立誠穆叔所云立德立言夫子所謂有德者必有言辭達而已者也是天下之

經義齋集

洪敏

二

公言萬世之達道而又自成先生之文焉者也如化工育物洪纖巨細罔有毫髮罅漏之或遺也如時雨膏潤而百穀草木勃然亭毒以胥暢也如江海蘊畜魚龍百變出沒潛伏而不驚爲天下舟楫之所

利濟也如布帛菽粟用之可以衣食生民而不可一日或缺焉者也
大而數千萬言其條理井然不紊
小而單辭片語其義類復包舉靡
遺而其浩然之氣則又流行充塞
旁魄於上下古今而無間大矣哉

經義齋集

洪敏

三

此豈秦漢而下操觚者所能企及
也哉蓋先生自有其所以爲文者
其本末固不可同日而論矣或者
謂孔子刪詩無楚風屈原離騷風
之餘也孟子後千百年而得周子
猶周公孔子之似續也今先生備

周孔之道而兼有屈周二子之文
抑何楚材之盛也雖然孟子不云
乎地之相去千有餘里世之相後
千有餘歲若合符節其揆一也又
何疑於先生哉江左受業洪嘉植
謹書於白沙流寓之大蔭堂中

經義齋集

洪敏

四



經義齋集目錄

卷之一

奏疏

應 詔萬言疏

諫北 巡疏

請除積習銷隱憂疏

遵 旨指奏疏

敬陳末議疏

請修理衙舍疏

經義齋集

目錄

一

條陳 日講切實事宜疏

進呈大學衍義疏

歲終彙進講義疏

京察自陳疏

地震自効疏

駁叅疏

歲終彙進講義疏

薦舉人才疏

歲終彙進講義疏



辭免內閣疏

謝 恩疏

謝 恩疏

謝 恩疏

請 安疏

謝 卹典疏

卷之二

講義

經筵講義

經義齋集

目錄

二

日講講義

代言

恭擬 大清

孝陵聖德神功碑文

擬 宣諭雲貴等處官民勅

策問

庚子順天鄉試策問一道

癸丑會試策問一道

論

太極圖論

說

無可無不可說

閑先聖之道說

卷之三

序

送李楊二子奉使宣諭安南序

送張子幹歸闕序

送蕭文超還楚序

經義齋集 目錄

三

送李桃亦序

送洪秋士南歸序

贈葉淡生序

贈杜子靜文

順天鄉試錄後序

會試錄後序

潘解元臆菴序

尚書含英集序

張思石制義序

重刻張素存制義全稿序

責已錄序

養齋日劄序

四書緒言序

四書五經字考序

孝經定本序

重刻閑道錄序

學統序

下學堂劄記序

經義齋集 目錄

四

樸園通語序

歸潔園偶筆引

下學堂書目題辭

卷之四

序

槐軒集序

賜書樓集序

荆南墨農全集序

闇修齋集序

願學齋文集序

唐詩養蒙序

焚餘草序

些餘集序

南 巡紀畧序

誠感頌言序

德造頌言序

曹公崇祀名宦序

薛公崇祀名宦錄序

經義齋集

目錄

五

蕭長源奏議序

徐山琢奏議序

于振甲撫直疏議序

正澣賦錄序

鄧寧河世家譜繫序

兩江制府王公壽序

錢礎日七十壽序

鄭夫人壽言

卷之五

記

重修明道祠記

重修東林書院記

豁然樓記

愚齋記

默然軒記

下學堂記

樸園記

歸潔園記

經義齋集

目錄

六

揖江亭記

賦

石琴賦

獨鶴賦

銘

瘞鶴銘

鐵硯銘

古硯銘

雜銘 二十一章、